

夢窗詞萃

碧天

秋娘

翠針

毛本首句作碧天書
信斷娘作娥針作鉗

燭影搖紅

大石調

壽荷塘

時荷塘寓京

西子西湖賦情合載鴟夷棹斷橋直去是孤山應爲梅
花到幾度吟昏醉曉背東風偷閒鬪草亂鴉啼後解佩
歸來春懷多少千里嬋娟茂園今夜同清照櫻脂茸
唾聽吟詩爭似還家好昵昵西窗語笑鳳雲深瓊簫縹
緲願春如舊柳帶同心花枝壓帽

題

毛本作毛荷塘生日
留京不歸賦以寄意

又

麓翁夜宴園堂

新月侵階彩雲林外笙簫透銀臺雙引繞花行紅墜香
沾袖不管籤聲轉漏更明朝棋消永晝靜中閒看倦羽
飛還遊雲出岫隨處春光翠陰那只西湖柳去年谿
上牡丹時還試長安酒都把愁懷抖擻笑流鶯啼春漫
瘦曉風惡盡妒雪寒消青梅如豆

題

毛本麓翁作
是雲麓堂作亭

那只

惡盡

毛本只作抵
惡盡作盡惡

寒消

原鈔
寒作

梅从
毛本

青梅句

毛本作梅
稍成豆

又

錢馮深居

翼日其初度

飛蓋西園晚秋卻勝春天氣霜花開盡錦屏空紅葉新
裝綴時放清杯汎水暗淒涼東風舊事夜吟不絕松影

闌干月籠寒翠 莫唱陽關但憑綵袖歌千歲秋星入
夢隔明朝十載吳宮會一棹回潮度葦正西窗燈花報
喜柳蠻櫻素試酒爭憐不教不醉

卻勝

毛本卻作恰

時放

原鈔放作泛从毛本

不絕

毛本絕作就

又

元夕雨

碧澹山姿暮寒愁沁歌眉淺障泥南陌潤輕酥燈火深
深院入夜笙歌漸煥綵旗翻宜男舞徧恣遊不怕素襪
塵生行裙紅濺銀燭籠紗翠屏不照殘梅怨洗妝清
靨溼春風宜帶啼痕看楚夢留情未散素娥愁天深信
遠曉窗移枕酒困香殘春陰簾捲

清鑿

原鈔清作素按前後六調是處無用去聲者从毛本

天深

毛本深作長

又

壽嗣榮王

天桂飛香御花簇座千秋宴笑從王母摘仙桃瓊醴雙
金琰掌上龍珠照眼映蘿圖星暉海潤浮槎遠到水淺
蓬萊秋明河漢寶月將弦晚鉤斜挂西簾捲未須十
日便中秋爭看清光滿淨洗紅塵障面賀朝霖催班正
殿喜回天上紫府開筵瑤池宣勸

蘿圖

毛本蘿作羅

浮槎

原鈔浮字闕从毛本

又

賦德清縣圃古紅梅

莓鎖虹梁稽山祠下當時見橫斜無分照谿光珠網空
凝徧姑射青春對面駕飛虬羅浮路邁千年春在新月
落池黃昏山館花滿河陽爲君羞褪晨妝藕雲根直
下是銀河客老秋槎變雨外紅鉛洗斷又晴霞驚飛暮
管倚闌祇怕弄水鱗生乘東風便

又

越上霖雨應禱

秋入鐙花夜深檐影琵琶語越娥青鏡洗紅埃山鬪秦
眉嫵相閒金茸翠畝認城陰春耕舊處晚春相應新稻
炊香疏煙林莽清磬風前海沈宿嫋芙蓉炷阿香秋
夢起嬌啼玉女傳幽素人駕梅槎未渡試梧桐聊分宴

組采菱別調留取蓬萊霎時雲住

梅槎毛本梅作海

醜奴兒慢黃鍾商

雪麓翁飛翼樓觀

東風未起花上纖塵無影峭雲溼凝酥深隴乍洗梅清
釣捲愁絲冷浮虹氣海空明若耶門閉扁舟去嬾客思
鷗輕幾度問春倡紅冶翠空媚陰晴看真色千巖一
素天澹無情醒眼重開玉鉤簾外曉峰青相扶輕醉越
王臺上更最高層

醜奴兒慢原鈔慢字脫毛本同从王校題毛本作麓翁飛翼樓

觀毛本作越王二句毛本複刻作越山

雪釣捲毛本作越王二句毛本複刻作越山

又

雙清樓

錢塘門外

空濛乍斂波影簾花晴亂正西子梳妝樓上鏡舞青鸞
潤逼風襟滿湖山色入闌干天虛鳴籟雲多易雨長帶
秋寒遙望翠凹隔江時見越女低鬟弄堪羨煙沙白
鷺暮往朝還歌管重城醉花春夢半香殘乘風邀月持
杯對影雲海人間

題

毛本錢塘上有在字

低鬟

原鈔作鬟低毛本同從歷代詩餘

木蘭花慢

遊虎丘

陪倉幕時魏益齋已被親擢陳芬窟李方庵

昔將滿秩

紫騮嘶凍草曉雲鎖岫眉顰正蕙雪初消松腰玉瘦憔悴眞眞輕藜漸穿險磴步荒苔猶認瘞花痕千古興亡舊恨半些殘日孤雲開尊重弔吳魂嵐翠冷洗微醺問幾曾夜宿月明起看劒水星紋登臨總成去客更輒紅先有探芳人回首滄波故苑落梅煙雨黃昏

曉雲鎖

原鈔鎖作銷毛本同从歷代詩餘

又

重遊虎北

步層北翠莽□□處更春寒漸晚色催陰風花弄雨愁起闌干驚翰帶雲去杳任紅塵一片落人閒青塚麒麟有恨臥聽簫鼓遊山年年葉外花前腰豔楚鬢成潘

軟寶透瘞久青萍共化裂石空磬塵緣酒沾粉汗問何
人從此濯清泉一笑掀髯付與寒松瘦倚蒼巒

□□處

腰豔楚

毛本闕文未
空格腰作嬌

又

送翁五峰遊江陵

送秋雲萬里筭舒捲總何心歎路轉羊腸人營燕壘霜
滿蓬簪愁侵庾塵滿袖便封侯那羨漢淮陰一醉蓴絲
膾玉忍教菊老松深離音又聽西風金井樹動秋吟

向暮江目短鴻飛渺渺天色沈沈沾襟四絃夜語問楊
瓊往事到寒砧爭似湖山歲晚靜梅香底同斟

題

毛本闕
字脫

舒捲

目

短毛本舒捲作
矢舒短作斷

又

重泊垂虹

酹清杯問水慣曾見幾逢迎自越棹輕飛秋萼歸後杞
菊荒荊孤鳴舞鷗慣下又漁歌忽斷晚煙生雪浪閒消
釣石冷楓頻落江汀長亭春恨何窮目易盡酒微醒
悵斷魂西子淩波去杳環佩無聲陰晴最無定處被浮
雲多翳鏡華明口曉東風霽色綠楊樓外山青

題

毛本垂虹
二字脫

又

餞韓似齋赴江東離幕

潤寒梅細雨捲鐙火暗麝香正萬里胥濤流花漲膩春

共東江雲檣未傳燕語過翠恩垂柳舞鵝黃留取行人

繫馬輓紅深處聞鶯悠颺霽月清風凝望久鄧山蒼

又紫簫一曲還吹別調楚際吳笳仙方袖中祕寶遺蓬

萊弱水變飛霜寒食春城秀句趁花飛人宮牆

題

原鈔離作醮毛本同从杜校

悠颺

鄧山

毛本悠颺在疑望下鄭作鄧王校云太平

寰宇記江南東道明州理鄧縣宋史食貨志鹽法在浙江曰明州昌國東西兩監鄧屬均州與甞幕無涉

趁花

原鈔趁作赴毛本同从杜校

又

餞趙山臺

指翠恩曉月動涼信又催歸正玉漲松波花穿畫舫無
限紅衣青絲傍橋淺繫問笛中誰奏鶴南飛西子冰綃

冷處素娥寶鏡圓時 清奇好借秋光臨水色寫瑤巵
向醉中織就天孫雲錦一杼新詩依稀數聲禁漏又東
華塵染帽檐緇爭似西風小隊便乘鱸膾秋肥
又

施芸隱隨繡節過浙東作詞留別用其韻以餞

幾臨流送遠漸荒落舊郵亭念西子初來當時望眼啼
雨難晴娉婷素紅共載到越吟翻調倚吳聲得意東風
去棹怎憐會重離輕 雲零夢繞浮觴流水畔敘幽情
恨賦筆分攜江山委秀桃李荒荊經行問春在否過汀
洲暗憶百花名鶯縷爭堪細折御黃隄上重盟

喜遷鶯

太簇宮中管高宮

同丁基仲過希道家看牡丹

凡塵流水正春在絳闕瑤階十二煥日明霞天香盤錦
低映曉光梳洗故苑浣花沈恨化作妖紅斜紫困無力
倚闌干還倩東風扶起公子留意處羅蓋牙籤一一
花名字小扇翻歌密圍留客雲葉翠溫羅綺豔波紫金
杯重人倚妝臺微醉夜和露翦殘枝點點花心清淚

浣花

毛本浣
作浣

又

吳江與閒堂

王驪庵家

煙空白鷺乍飛下似呼行人相語細縠春波微痕秋月
曾認片帆來去萬頃素雲遮斷十二紅簾鉤處黯愁遠

向虹腰時送斜陽凝竚輕許孤夢到海上璣宮玉冷
深窗戶遙指人閒隔江煙火漠漠水漠漠搖暮看葦斷磯
殘釣替卻珠歌雪舞吟未了去怱怱清曉一闌煙雨
題毛本作王璣璣宮毛本作璣深窗戶原鈔深作涼从毛本煙火
水漠毛本作煙璣毛本作璣宮毛本作璣深窗戶原鈔深作涼从毛本煙火

又
福山蕭寺歲除

江亭年暮趁飛雁又聽數聲柔艣藍尾杯單膠牙餠澹
重省舊時羈旅雪舞野梅籬落寒擁漁家門戶晚風峭
做初番花訊春還知否何處圍豔冶紅燭畫堂博塞
良宵午誰念行人愁先芳草輕送年華如羽自剔短檠

不睡空索綵桃新句便歸好料鵝黃已染西池千縷

知否

原鈔知作春从毛本

又

甲辰冬至寓越兒輩尙留瓜涇蕭寺

冬分人別渡倦客晚潮傷頭俱雪雁影秋空蝶情春蕩
幾處路窮車絕把酒共溫寒夜倚繡添慵時節又底事
對愁雲江國離心還折吳越重會面點檢舊吟同看
鐙花結兒女相思年華輕送鄰戶斷簫聲噓待移杖藜
雪後猶怯蓬萊寒闌晨起嬾任鴉林催曉梅窗沈月

春蕩

晨起嬾

原鈔春作秋晨作最嬾作晚竝从毛本

探芳信

夾鍾羽

與李方庵聯舟入杭時方庵至嘉興索舊燕同載是
夕雪大作林麓洲渚皆瓊瑤方庵馳小序求詞且約
訪蔡公甫

夜寒重見羽葆將迎飛瓊入夢整素妝歸處中宵按瑤
鳳舞春歌夜棠梨岸月冷和雲凍畫船中太白仙人錦
袍初擁應過語谿否試笑挹中郎還叩清弄粉黛湖
山欠攜酒共飛鞵洗杯時換銅觚水待作梅花供問何
時帶雨鋤煙自種

語谿

原鈔語作浯毛
本同从王校

又

丙申歲吳鐙市盛常年余借宅幽坊一時名勝遇合